

近代中國史料叢刊第六十輯
沈雲龍主編

湘綺樓詩集

王闈運著

文海出版社印行

詩

湘

集

綺

樓

光	刊
緒	于
丁	東
未	州
八	講
月	舍

112211 / 17

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



湘綺樓詩第一卷 起己酉至壬子

湘潭王闈運字壬父著

擬焦仲卿妻詩一首李青照妻墓下作 并序

嘉慶十一年冬十有一月晦日湖北備人李青照妻
爲主遁逃復遇欺陵攜子赴湘而外夫亦自經經墓

讀碑作詩云余

雙翅不能飛十步兩連翩張氏有好女辭家來李門頭
上青絲髮纖纖兩頭盤約略蛾子眉參差掠鬢鬢雙耳
若連璧荷葉承珠環紅白左右屬不用粉與朱斜肩若
墜玉回腰帶輕襦築手出廣袞青繡緣領裾單縷蹙金

線雙縷雲中葉行纏約春羅二寸稍有餘瑣細作微步
盈盈若波流不言其知美誰能不稱姝妾是貧家婦貧
婦無華妝脫我嫁時衣著我青絹裳上機織縑縑中廚
治羹湯里鄰謂新婦新婦固不同東家言佼好西家言
賢良朝煮穀作糜夕持絮作衣無衣常苦寒無穀常苦
飢朝持絮作衣夕采葵爲羹無衣猶可寒無食難爲生
我有織織手可以任縫紉東鄰貴家女十指不拈線持
我手中巧作我家中飯昨日東鄰言主君遠游宦便可
與同行莫令此事散雞鳴外欲曙夫婦嚴裝辦還歸辭
父母出門別親黨今當雲南去雲南天一方主君作高

官不與州縣同我冠青金石雲鴈繡當胸高檣曳長旗
圓繖兩檐紅船頭鳴雙鉦從岸到江中隨人四五十行
作鳧鴈翔引婦入拜見主君大歎美平生實未見舉止
自生光舟中何所爲日莫無期程低頭向江水道路迴
且長朝辭金口太莫至赤壁山不聞鄰人語但聽鼓吹
喧莫發石頭驛早至洞庭湖不聞夫婿言但聽主君呼
主君呼婦前甯可相順從珊瑚爲卿枕瑋瑋爲卿牀婦
謝主君言賤妾甘困窮況乃事夫久大義不再更主君
大拊掌眞復違我旨汝是貧賤人復言何道理昨日爲
人奴今日在官傍何不早作計汝何不自量我有玉耳

環夾金如意簪玲瓏翠戒指手釧珍珠嵌百褶金繡裙
四合梳絲衫婢妾六七十不得挂眼角吾今但告汝此
事非大錯斑鳩共成對不能愛孤鸞妾是愚賤婦不堪
賢主君私語向夫壻轉身自摧藏與君早作計昨日主
君語茲事不可長行行十餘日遠望長沙城鐵纜下中
流云須數日停江湘南北間回首自悽皇及茲背同伴
形執已蒼黃空川復昏暗月黑夜未央偕行出惵惵
惵遺棄囊謂卿暫待此吾當復暫往蚤距一分椒奔走
不成行夜鴉聞啞啞嚴霜墮道有船上鐙燭光岸上行
人多風寒天欲明有皇將奈何莫爲異鄉婦舉首迷東

西觀者不轉眼問者來相欺雞鳴五更盡是時其夫來
不知期何所心怯形復癡俵俵至明發各各成驚疑城
邊惡少年三五生崎嶇詭言其夫至象掃作要期給婦
更渡湘四人於小舟謂婦汝無然孤身欲何爲潛行苦
多畏聞此心膽壯激我義烈情吐我心鬱快長號曠向
天哽咽涕盈眶舉手謝夫子相見待泉壤昔年爲君婦
著我青絹裳入門無衣食出門別親鄰悠悠作死別初
惠妾未防妾今事當死妾死君獨生死者不可再生者
壽命長懷中一尺兒抱頸相向甕不得從夫去但可隨
母旁舟邊一尺波烈婦命長終是日大風雨青天爲不

陽青照得聞此沈痛割肝腸鳴冤赴縣門報縣捕奸凶
縣令何憊忙車馬如趨風三八爲衙日盈盈公府中伺
候長官事例不問詞訟餘官十餘員云在發審廳首縣
請刺員幫審挂虛名民命小小事況乃異鄉客誰能聽
其詳微賤無所爲裴回出城東還歸衣食難無家又無
容黃泉有良會母子相追從悵悵人初定悽悽鬼相迎
吞聲願樹下自挂南枝南使君聞此事頰耳不能言長
官聞此事將須共言難縣令聞此事忸怩無容顏平生
丁明府今日見此冤還歸坐堂上朱籤出縣門但捉岸
上兒不上使君船煌煌大清律首從並梟竿父老聞此

事歎息告家人昔爲役人婦今爲禮部旌城中羨其風
城外造其塋仰瞻天心閣合葬醴陵坡南坡秋草長墓
上青松垂子規過之嘯秋去春復深生是連枝木死是
雙飛禽雙禽將一雛朝莫自唯離顧視世間人人心故
不同悠悠四十載冢上有新封網紀貴賤人作詩誦清
風

戴祠館中夜起作

夜中不能寐落月上屋楹秋蟲知我興繞舍似爭鳴天
機使之然焉能悶其聲絲華向搖落天地復肅清羣動
盡息響況爾瑣細情達士惜窮居觀時安所營

城上月夜

浮煙暗一城孤月四邊明
漁火動多影湘流靜有聲
風高寒望眼漏永逼秋情
危磴荒池外時清草自生

雨霽

百鳥愛晨光春聲度畫堂
日華承檻薄波影泛墀涼
芳草看看綠初花窈窕香
離情未應歇當鏡且愁妝

湘上

客意已在水遙舟送清暉
殘雲藉落日隔岸明我衣
平疇上餘青暝色合眾微
煙態如悅人謁謁還自歸
長謠
渺所歡涉江當爲誰

清秋靜萬木白露旣濡浹戎葵怯霜花伶俚伴寒螿愁
心寄遙林暮色藏荒堞西風吹我夢夢爲江上葉漁燈
照隔浦欲渡不可涉流波有安瀾吾將任行楫

贈彭嘉玉

寒蟬翳東林蟋蟀鳴西堂微生有常棲畸士獨無鄉秋
河泛桃稷故里如他方閉戶心幽憂涼獨眾所忘余念
子孤居中夾自殉皇荒園秋艸多窮巷阻車行譬彼猗
蘭花空谷有孤芳豈不憺寥落神全何所傷

寄資欽亮

北風吹驚塵朝夕無停飛寒蟲旣息音歲御不我回始

言身身一
悟同袍子遠駕去莫追嚴冬各有家行者獨何歸人生
非艸木凋落意不肥木落當復榮日月逝以馳褰裳陟
高山道遠與子違感彼孤鴻征霜雪夏相摧遺音若可
尋萬里慰孤羈

述懷

初夏猶淡秋微雨颯然至清風吹明燭短夜不能寐
回起行游誰能導余意思從中來驟若奔萬騎我心
信慷慨萬籟轉相慰

步出南郭門落日風蕭蕭陳人既寂寂白楊亦寥寥北
冢互相乘萬歲同一朝富貴固有窮貧賤已復消達士

無馳驅安能羨松喬長年豈余樂時逝不可招雲中有
鳴鶴其翼曰扶搖一舉青冥上縱心曩且遼

勁羽鳴北風鏃騎出西邊王恢既失律李陵更不還元
戎降貴戚旛旆眾翩翩叱咤動萬人見敵乃遷延曾聞
聖武略廟算期十全雖非介冑士按劍望三邊魯連徒
磴磴蹈海託空言

孤雲有時飛靜者豈無心空堂望萼樹獨坐且沈吟三
英不吝期大道誰復在禮樂塞衰流楚士別貞淫晤言
將何訴江水瀟漭漭目極千里道藐然涕霑襟

妾薄命爲楊知縣妾周氏作

周爲長妾謀，夙知縣匿之。巡撫助楊按察發其事，僅
而得直城中。洵洵歡動萬人，余年十三。明季始爲之
詩。

妾家本住巫山陽，娥娥玉顏明月光。青袍公子買年少，
攜妾來游湘水旁。朱門青樓日歌舞，風窗夜開黃鸝語。
繡簾深坐長自擲，玉牀卷衣還獨處。世人重色不貴心，
莫持堅重比南金。眼前清濁同涇渭，胸中參錯作商參。
幽房風多日光濕，寸心始願從今戢。殘形毀兒羞見君，
瘳中魂歸暗中泣。二月寒花滿路塵，百季紅粉葬青春。
不信從來妾薄命，請問悽悽行路人。

石泥塘是高曾舊居道光卅季闈運入縣學始詣宅訪
諸父兄弟宗門衰弱多不能自存者耳目聞見爲此
篇

北風吹雨山漉漉遠樹空濛凍雲踈泥淡踈躑不得前
暫避茅檐轉愁急我來投宿無所投荒村寥落經溪秋
此鄉先氏舊卜宅良田華屋皆虛北聞道朱樓盛東陌
當時臺榭生顏色私家休養逢盛世天下無兵有耕織
豈知賤穀貴金銀今日萬錢三十石我尋遺迹無百季
茅茨倒塌雙門偏其中男婦坐叢襍數日已見廚無煙
飢驅一飯忍夏累且沽市酒郵亭眠芒鞋丈人於我厚

遺我四百青銅錢此皆經歲積儲得受不設卻心茫然
以茲感激動嗟喟滿目荒山極愁思道旁衰病頭白翁
強說南巡盛時事吾宗衰薄蓋有由撫時感事增煩慙
頻季水潦蕩荒土溝壑凍餒無人收夫夷兵革鬥未息
溽梧夜鬼聲啾啾天心元氣頗蕭瑟慎須醞釀調變謀
悲吟苦意不能道莫色蒼茫生遠愁

怨詩代彭笛先婦新

璿房有靜女幽獨守貞堅良媒結蘭金遂爲君子妍本
性亮不移微費遂相捐懷情不自理被謫若北山妾身
何足論所惜君德愆同居異楚越欲去豈設言明月照

羅幃空影獨輝娟一彈清商瑟陵亂五十弦

愁霖六章

皇靈信難謀人道有幽顯往咎邁淫霖洪流被原嶽遵
渚無安鴻高壩拾枯蜺川塗浸數州湘東幸孤免孤免
非所安忝竊亦已多比來降淋漓坐歎徒咨嗟常恐游
灾行農女失其家願此卑濕區國小將如何余嬰采薪
蕙獨居就疲茶寒風忽中人夏枕詫栗烈毋乃調髮乖
披裘匪吾節朝起常晦冥門巷斷行轍行轍久絕蹤
茸上縣檟蠹蝟胃長絲鼠迹亂几踏念我故人遠自符
同酬答世故各有營今離固難合離合會有時世故乃

同悲兵戈阻荒服干羽次王師跋涉勞武人悠悠竟何
之傷彼離畢章感此徂東詩感傷誰能已委化有自然
中夜忽起坐寤寐疇能安同袍慕秦風良朋況永歎天
心戒戲豫閉戶不設言

五君詠

序曰嘗觀顏延之五君詠意獨怪之異世論友中實
自敍山王同游竝以貴黜則取人必於窮厄乎余未
弱冠得奉教賢人君子有日矣其游息輒偕適有五
君會以遠適倏儼彌念嘉會率尔命筆各贈一章譽
淺諷淡期之弭佩云尔

彭處士嘉玉

彭子少駘宕韜光久藏用意斂迹愈高慮淡疑轉闕沈
冥類守愚孤情實隱憫獨往淡古心亮節有時送

龍舉人汝霖

正直日衰少時俗貴委蛇龍生狷者心清剛表奇姿中
庸易同流黜陟難媚時鐵羽有時振往志不可追

李優廩壽容

李生習文藻懷華畏檢束微名眾傾才縱志寵依辱美
服非不華媒害慎所觸染乘豈在己多歧懼移俗

鄧拔貢輔綸

言集卷一
舍人守真純忘機狎世緣抱璞若諸眾冥思亦孤騫宦
情汨隱志保己涵淡筌藜達士懷窅窅古咎賢

鄧文學繹

仲子夙奇服長嘯揚清光識遠道易馳青薄聖所防形
虛驗存真調響激高張誰能接末契覽德先遠翔

邵陽山行

陰雨彌四旬端息阻川原高空曜晨日萬壑始光鮮濕
雲眇陂塘垂采映晴漣飛鳥學和聲從母出林間客心
感春氣物態匪舊顏何以寫芳游愉悅在忘言

擬明月皎夜光

爽長巖風升飛鴻已相背寒露澄素輝清秋忽如逝榮
華有代遷感念疇昔歲懷中千金璧皎皎自陵厲盛名
豈虛來負此偶一世明月有晦虧焉怨浮雲蔽箕斗縣
明象朗然中天揭至人無俗用誰能徇一器慷慨金石
姿耿耿長不斂

擬客從遠方來

客從遠方來適我駕文綺別時未云久感君念如此裁
成見新故藏之誰見美發篋三時曙使我中夜起時俗
妬真交歎息我與尔

與龍鄧同游衡山舟中作

晚風吹流波奔波不可尋連岡無斷蹤重雲生遠心佇
瞻穹隆低坐待爽氣陰鳴鉦駐余棹遠鐙搖澗林喧聞
眾籟襍靜會江底溪仙情結游侶秋思託長吟

山水但一氣曠望空茫茫亂蛩蒼岑宋四野飛寒光天
風復橫過濤聲夾浪浪秋氣本寥亮助之羣動鳴坐中
宋無言滿舫生孤涼縱浪大化中塵想斯可忘

從南岳祠登吸雲嶺

天根蟠軫虛坤紀壯炎服鴻濛融朱光高澹闕神屋雲
觀在冥杳下視但蒼綠渾淪自太古厓巒盡奔伏風危
人益高日夕氣相逐儻爲蘇門嘯恐驚龍湫谷

登南天門宿上封寺

清肅闕幽厓噴薄激泉根沈沈積石寒
曠曠殘陽昏下方涼雨積上界晴雲奔
高天覆圓蓋黛色盡煙痕飛鳥墮我前
相與叩石門置身六合外息影南斗垣

祝融峰

萬緯朝日宮朱明稟純陽天地通
溥曜炎炎見南衡元樞仰皇德眞宰鎮交荒
日月動左右遠近無異光曾聞中天禮
驛狩啟白玉登封造巍巍誰及聖道昌

朱陵洞瀑

眾青不斷色遠響驚清秋朱陵竦孤厓
飛泉束壑流繁

言集卷一
滿照白日玄澗曠愈幽青天靜無聲翠壁俯寒湫空雨
忽破碎高雲偶遲留宛宛雖蛻蜨荒荒烈飈休

古別離

宋家東鄰女顏色如陽春當時一顧本無意誤尔三季
下蔡人東牆蝴蝶西牆花陰陰牆外如天涯春風一日
不相待碧窗咫尺煙如紗當窗屈戌無時開咎日晨妝
金雀釵金釵墮絕不知處網絲不斷季季灰撥灰畫字
言有情字滅灰飛情暗生灰亦有時滅相思之字何由

明

柴玉歌

吳王嬌小女能感韓重魂生時有禮法至死不得言日
與春山虛童子潛行來誰言天地厚精氣爲之開父母
不知其理身死徒爲哀意盡情作煙然後入君懷

憶梅曲

梅花豔北潭飛影照江南月隱珊瑚簾波明翡翠簷江
南與君別霜寒花氣歇日莫鴛鴦飛風吹五更雪君去
不曾難徘徊玉佩單橫塘一片水還與外人看可憐雙
佩玉惆悵橫塘曲玉顏思漸隱瓊樹香難續羅帷夢落
花越女惜紅紗含情畫梁燕彈淚白門鴉鴉啼天向曙
水暗門前路森森不相聞落月搖空樹曉鏡莫輕開金

詞集卷一
蟬恨玉臺分明當日兒窈作海棠來

意續他生後魂牽未死前何如厮養卒原不惹相憐

李仁元題句

此曲卽與紫玉同意伯元意度題之亦未知其用意

春日

春日照春衣春心不自知如何中有怨猶言無所思所思信無端含情非爲人偶然攜影坐已是歷朝昏

江南曲

麗日江南豔遙人別恨眞曉風迎早怨舊服俗季春歌
曲無畱韻江花有代新往遊難作達孤客易爲身春氣
何須入空房自感人

霧重花難豔春輕柳易顰自憐天下色生作送春人柳絮真成薄花光恨作塵長江猶自去微命定何親江南罷憐惜相歎不相聞

倡樓怨節

簾邊春風易入庭外艸光若浮搖情吹影未已入眼存心自愁鳥聲各言有怨江波到頭不歸經冬歷春復盡何爲辛苦羅衣

後憶梅曲

晚梅春色遲含香待所知近人無一語微笑景燕脂珠樓對雙鏡淡閨願相倚一朝離別同春風空將意思看

流木持聲遠寄嫺娟子盛季一太何時已

舟見

風色候津樓朝來送客舟春波蕩不盡妾意與之流折
柳愁聞笛條柔倦引鈎渡江今有楫迎接汝來不

生理篇

生理各如寄羈人日恩恩風雨相蕩迫一室無所容宵
寐不煖席朝坐還對窗想望章贛波浩浩自成江故鄉
不可杭怨彼往路窮往路非阻修故鄉鬱霾霧蠻越構
禍端矜義亂遭屯永衡絕通軌連巖上參雲征駒歎玄
黃擊轡各悲辛悲辛彼何人我友在遠方思鄉阻還塗

轉徙失齋糧顧我得安居獨願恣倘伴窮魚思故淵離
獸走連岡鴟鴞鳴庭樹腐鼠驚雛皇舉矚無舊物行歌
怨迷陽楚狂猶行歌鳴鳳久已歇商彝起中夏庭樹墜
黃葉殊音非我親言發自眩喋行行至窮巷經日見鷄
結敗垣塞曦陽隙霽滴殘闕所遇增感傷還歸坐悲憤
還歸思語誰新知近相從惓惓執手歡似欲慰微踪世
俗匿淡情酬好非誠忠欺我未婚宦遇我猶兒童居者
復幾人行者猶轉蓬良會不可期瀉水徒西東西東會
有時人生恨輕離出門別親好車馬如雲馳白日照黃
土班馬鳴回颺高北一登望振轡遠透遲棲棲果何求

言集卷一
默默長自疑謀身尙難工甯暇及人爲置此家國事務
力歡娛時歡娛不可求家國常有憂百季猶轉丸智者
獨遠愁巧拙互穰穰力命更相僻彭殤本妄喻何者爲
浮游澄心會至理豈不念蚤周投筆起三歎知我庶勿
尤

送陳景雍應舉

浮雲自南飛飄風從北來中途一相值相聚忽已乖傷
哉我與子一見傾我懷積息子所纏兒戲我所嫉攜手
東郊上霜陰野崔嵬明知會日通別恨無人開臨歧重
顧瞻恐子顏色衰

壬子七月樂平縣作

六月七月旻天高孤星爽挂長林梢空雲蔽露一相失
湖波厲天哀雁勞荒園宋輿亦可宿我生與子同孤巢
斗室非賓亦非主坐臥在牀立當戶長歌向天白日秋
四壁蟪蛄走塵土卽今皇天意慘澹自古豪賢盡羈旅
安能空手伏艸間吞聲踣躅凋朱顏

黃昏獨步出門去西風吹葉驚人心黑煙四起作濃霧
黧面被髮黃埃淚歸來荒雞似人哭中宵繞屋揚哀音
雞鳴膠膠明星小吾當與尔共天曉

錦馱寶馬金鞍纜尙書公子總憲妻自言避賊返鄉里